

吉林通志

Handwritten text and a stamp at the top right of the page.

84516

吉林通志卷四十七

學校志四 學署 學額

學署

吉林府教授署在

文廟西明倫堂後

吉林外紀

雍正四年覆准增設奉天府永

吉州學正一員

會典事例二百九十四

光緒七年改升府教授

正室三楹東西廂各三楹明倫堂三楹尊經閣三楹

學冊

尊經閣嘉慶十四年將軍秀林捐建奉天學政茹棻

奏請頒



內板經籍於各學藏皮閣中

聖諭廣訓一部

欽定周易折中一部

御纂周易述義一部

欽定書經傳說彙纂一部

欽定詩經傳說彙纂一部

御纂詩義折中一部

欽定周官義疏一部

欽定儀禮義疏一部

欽定春秋傳說彙纂一部

欽定春秋直解一部

御註孝經一部

御纂孝經集註一部

十三經註疏各一部

御批資治通鑑綱目一部

御纂朱子全書一部

御纂性理精義一部

欽定康熙字典一部

欽定子史精華一部

欽定佩文韻府一部

御選古文淵鑑一部

御選唐宋文醕一部

御選唐宋詩醕一部

欽定四書文一部

御論一本 道光三年頒發

欽定學政全書 道光五年頒發

盛京通志二套 以上俱舊貯書籍

二十四史各一部

遼金元三史國語解一部

遼史拾遺一部

補元史藝文志一本

元史國語解一部

補元史氏族表一部

以上似光緒十年
巡道顧肇熙增貯

伊通州訓導光緒八年設學署未建

敦化縣訓導光緒八年設學署未建

長春府教授署在

文廟西偏同治十一年將軍宗室奕格奏設訓導勅建

衙署光緒十五年改升教授明倫堂三楹內宅三楹

及前後翼室共十八楹

册報

農安縣訓導光緒十六年設學署未建

伯都訥廳訓導署雍正四年覆准增設長甯縣教諭

一員嗣裁

會典事例二百九十四

同治十一年將軍宗室奕榕

奏設訓導勅建衙署

冊報

賓州廳教諭署光緒八年設官十七年署同知趙宗

翰捐建

五常廳教諭光緒八年設學署未建

雙城廳訓導光緒八年設學署未建

學制

順治九年題准刊立卧碑置於明倫堂之左曉示生

員

朝廷建立學校選取生員免其丁糧厚以廩膳設學院
學道學官以教之各衙門官以禮相待全取養成賢
才以供

朝廷之用諸生皆當上報

國恩下立人品所有教條開列於後 一生員之家父
母賢智者子當受教或有非爲者子旣讀書明理當
再三懇告使父母不陷於危亡 一生員立志當學
爲忠臣清官書史所載忠清事蹟務須互相講究凡
利國愛民之事更宜留心 一生員居心忠厚正直

讀書方有實用出仕必作良吏若心術邪刻讀書必

無成就爲官必取禍患行害人之事者往往自殺其
身常宜思省 一生員不可干求官長交結勢要希
圖進身若果心善德全上天知之必加以福 一生
員當愛身忍性凡有司官衙門不可輕入卽有切己
之事只許家人代告不許干與他人詞訟他人亦不
許牽連生員作證 一爲學當尊敬先生若講說皆
須誠心聽受如有未明從容再問毋妄行辨難爲師
亦當盡心教訓勿致怠惰 一軍民一切利病不許
生員上書陳言如有一言建白以違

制論黜革治罪

一生員不許結黨多人立盟結社把持

官府武斷鄉曲所作文字不許妄行刊刻違者聽提

調官治罪

會典事例
三百十一

康熙二十九年議准學宮關係文教凡官民等經過

者皆下車馬並禁於學宮內放馬污踐

學政全書三

康熙三十九年議准直省奉有

欽頒

上諭十六條每月朔望地方官宣讀講說化導百姓今士子

亦應訓飭恭請

御製教條發直省學宮每月朔望令儒學教官傳集該學生

員宣讀訓飭務令遵守如有不遵者責令教官并地

方官詳革從重治罪

會典事例
三百十一

康熙四十一年

御製訓飭士子文頒行直省各學

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習未端儒效罕著雖由內外臣工奉行未能盡善亦由爾諸生積痼已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有敘爾諸生幼聞庭訓長立宮牆朝夕誦讀甯無

究心必也躬修實踐砥礪廉隅敦孝順以事親秉忠貞以
立志窮經考業勿雜荒誕之談取友親師悉化驕盈之氣
文章歸於醇雅毋事浮華軌度式於規繩最防蕩軼子衿
佻達自昔所譏苟行止有虧雖讀書何益若夫宅心弗淑
行已多愆或蜚語流言挾制官長或隱糧包訟出入公門
或唆撥姦猾欺孤凌弱或招呼羽類結社要盟乃如之人
名教不容鄉黨勿齒縱幸脫褫扑濫竊章縫返之於衷甯
無愧乎况夫鄉會科名乃掄才大典關繫尤鉅士子果有
眞才實學何患困不逢時顧乃標榜虛名暗通聲氣夤緣
詭遇周顧身家又或改竄鄉貫希圖進取囂陵騰沸網利

營私種種弊端深可痛恨且夫士子出身之始尤貴以正
若茲厥初拜獻便已作奸犯科則異時敗檢踰閑何所不
至又安望其秉公持正爲國家宣猷樹績膺後先疏附之
選哉朕用嘉惠爾等故不禁反復惓惓頒茲訓言爾等務
共體朕心恪遵明訓一切痛加改省爭自濯磨積行勤學
以圖上進國家三年登造束帛弓旌不特爾身有榮卽爾
祖父亦增光寵矣逢時得志甯俟他求哉若仍視爲具文
玩愒勿警毀方躍冶暴棄自甘則是爾等冥頑無知終不
能率教也旣負栽培復干咎戾王章具在朕亦不能爲爾
等寬矣自茲以往內而國學外而直省鄉校凡學臣師長

皆有司鐸之責者並宜傳集諸生多方董勸以副朕懷否
則職業勿修咎亦難追勿謂朕言之不預也爾多士尙敬
聽之

同上

雍正三年議准士子誦習必早聞正論俾德性堅定
將

聖諭廣訓

御製朋黨論頒發各省學政刊刻刷印齎送各學令司鐸之

員朔望宣誦

同上

御製朋黨論

朕惟天尊地卑而君臣之分定爲人臣者義當惟知有君

惟知有君則其情固結不可解而能與君同好惡夫是之謂一德一心而上下交乃有心懷二三不能與君同好惡以至於上下之情睽而尊卑之分逆則皆朋黨之習爲之害也夫人君之好惡惟求其至公而已矣凡用舍進退孰不以其爲賢而進之以其爲不賢而退之惟或恐其所見之未盡當也故虛其心以博稽眾論然必眾論盡歸於至正而人君從之方合於大公若朋黨之徒挾偏私以惑主聽而人君或誤用之則是以至公之心反成其爲至私之事矣孟子論國君之進賢退不肖旣合左右諸大夫國人之論而必加察焉以親見其賢否之實洪範稽疑以謀及

乃心者求卿士庶民之從而皇極敷言必戒其好惡偏黨以歸於王道之蕩平正直若是乎人君之不自用而必欲盡化天下之偏私以成大同也人臣乃敢溺私心樹朋黨各徇其好惡以爲是非至使人君懲偏聽之生奸謂反不如獨見之公也朋黨之罪可勝誅乎我

聖祖仁皇帝御極六十年用人行政邁越千古帝王而大小臣僚未能盡矢公忠往往要朋結黨

聖祖戒飭再三未能盡改朕卽位以來屢加申飭而此風尙存彼不顧好惡之公而徇其私矐牢不可破上用一人則相與議之曰是某所汲引者也於是乎遠之若浼曰吾避

嫌也不附勢也爭懷妒心交騰謗口以媒孽之必欲去之而後快上去一人則相與議之曰是某所中傷者也親暱者爲之惋惜疏遠者亦慰藉稱屈卽素有嫌隙者至此反致其殷勤欲借以釋憾而修好求一人責其改過自新者無有也於是乎其人亦不復自知其過惡而愈以滋其怨上之心是朝廷之賞罰黜陟不足爲重輕而轉以黨人之咨嗟歎息爲榮以黨人之指摘詆訾爲辱亂天下之公是公非作好惡以陰撓人主予奪之柄朋黨之爲害一至是哉且使人主之好惡而果有未公則何不面折廷爭而爲是陽奉陰違以遂其植黨營私之計也書曰予違汝弼汝

無面從退有後言當時君臣告語望其匡弼而以面從後
言爲戒夫是故一堂之上都俞吁咈用能賡歌拜颺以成
太和之運朕無日不延見羣臣造膝陳詞何事不可盡達
顧乃默無獻替而狡猾叵測蓄私見以肆爲後言事君之
義當如是乎古純臣之事君也必期致吾君於堯舜而人
君亦當以堯舜自待其身豈惟當以堯舜待其身亦當以
皋夔稷契待其臣孟子曰責難於君謂之恭陳善閉邪謂
之敬吾君不能謂之賊夫以吾君不能而謂之賊則爲君
者以吾臣不能亦當謂之忍語云取法乎上僅得乎中苟
不以唐虞君臣相期待而區區效法僅在漢唐以下是烏

能廓然盡去其私心而悉合乎大公至正之則哉宋歐陽
修朋黨論剏爲異說曰君子以同道爲朋夫罔上行私安
得謂道修之所謂道亦小人之道耳自有此論而小人之
爲朋者皆得假同道之名以濟其同利之實朕以爲君子
無朋惟小人則有之且如修之論將使終其黨者則爲君
子解散而不終於黨者反爲小人乎設修在今日而爲此
論朕必飭之以正其惑大抵文人掉弄筆舌但求騁其才
每至害理傷道而不恤惟六經語孟及宋五子傳注可奉
爲典要論語謂君子不黨在易渙之六四曰渙其羣元吉
朱子謂上承九五下無應與爲能散其朋黨之象大善而

吉然則君子之必無朋黨而朋黨之必貴解散以求元吉
聖人之垂訓亦旣明且切矣夫朋友亦五倫之一朋黨不
可有而朋友之道不可無然惟草茅伏處之時恆資其講
習以相攸助今旣登朝蒞官則君臣爲公義而朋友爲私
情人臣當以公滅私豈得稍顧私情而違公義且卽以君
親之並重而出身事主則以其身致之於君而尙不能爲
父母有况朋友乎况可藉口於朋以怙其黨乎朕自四十
五年來一切情僞無不洞矚今臨御之後思移風易俗躋
斯世於熙皞之盛故兼聽並觀周諏博採以詳悉世務且
熟察風俗之變易與否而無知小人輒議朕爲煩苛瑣細

有云人君不當親庶務者信若斯言則皋陶之陳謨何以云一日二日萬幾孔子之贊舜何以云好問好察此皆朋黨之錮習未去畏人君之英察而欲蒙蔽耳目以自便其好惡之私焉耳朕在藩邸時坦易光明不樹私恩小惠與滿漢臣工素無交與有欲往來門下者嚴加拒絕

聖祖見朕居心行事公正無私故令纘承大統今之好爲朋黨者不過冀其攀援扶植緩急可恃而不知其無益也徒自逆天悖義以陷於誅絕之罪亦甚可憫矣朕願滿漢文武大小諸臣合爲一心共竭忠悃與君同其好惡之公恪遵大易論語之明訓而盡去其朋比黨援之積習庶肅然

有以懍尊卑之分歎然有以洽上下之情虞廷賡歌颺拜
明良喜起之休風豈不再見於今日哉

同上

雍正七年議准令直省各督撫轉飭地方官將

欽定卧碑

御製訓飭士子文敬謹刊刻裝潢成帙奉藏各學尊經閣內
遇督撫等到任及學臣到任接臨於祇謁

先師之日該教官率生員貢監等詣明倫堂行三跪九叩

禮畢教官恭捧宣讀令其拱聽如有無故規避者行
學戒飭其有居址遙遠者令其輪班入城恭聽宣讀
至生員貢監內有唆訟抗糧緣事曾經戒飭者令其

階下跪聽以示懲戒儻該教官不實力奉行或借端

需索奉行不善者許該管上司題參議處

同上

又議准凡恭遇

萬壽聖節元旦冬至丁祭之期其優等生員並貢監等皆
令分班陪列行禮居址稍遠者亦令輪班入城學習
行禮如有高卧不赴參錯驕蹇者行學戒飭至遇督
撫等官到任及學臣按試祇謁

文廟亦令一體遵行并飭令各教官實力奉行不得瞻

徇情面亦不得借端需索

同上

雍正十一年議准凡府州縣

文廟學宮有應行修理之處該地方官據實確估詳明
督撫學政於學租銀內動支修理俟工竣日委員驗
明責令該教官敬謹守護遇有殘缺卽會同地方官
查驗詳明酌量修補地方官及教官遇有陞遷事故
離任時將

文廟學宮照

社稷各壇例造入交盤項內接任官驗明並無傾圮出結接

收如有損壞失修之處卽行揭報參處

學政全書三

乾隆五年

欽頒太學訓飭士子女

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學者爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然

哉今之士惟不知此以爲苟足以應有司之求矣則無事於汲汲爲也是以至於惰游而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀

聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之位有厚望於諸生適讀朱子書見其言切中士習流弊故親切爲諸生言之俾司教者

知所以教而學者知所以學

會典事例 三百十一

乾隆十年議准

欽頒訓飭士子文已勒石太學其各省尙未頒發應通行天

下學宮同

聖祖仁皇帝聖諭廣訓

世宗憲皇帝御製朋黨論令教官於朔望日一體宣講永遠

遵行

同上

學額

吉林滿字號

滿蒙 八旗

嘉慶五年設童生每五六名取進

一名廩增額各一名十年一貢

吉林外 紀六

同治初年西

安將軍多隆阿攻克回巢得銀充餉奏加學額五六

取一外定額三名六年捐輸案內滿號暫廣二次每

次額一名十一年添設廩增額各一名五年一貢摺檔

合字號漢軍入旗嘉慶五年設童生每五六名取進一名

廩增額各一名十年一貢外紀同治六年捐輸案內五

六取一外加定額二名暫廣二次每次額一名十一

年添設廩增額各一名五年一貢摺檔

吉林滿合二號應試文章均由各城該管協領衙門

考驗騎射分別滿洲蒙古漢軍旗色佐領造具各童

姓名籍貫清冊呈送將軍考驗

國語騎射發交戶司移送吉林府彙總考試

冊報

嘉慶四年議准各處駐防旗人因無就近考試之例以致蹉跎失學嗣後駐防省分凡遇歲科兩試如有情願赴考者准其就近考試俟取進後再聽其赴京鄉試其應如何查照人數多寡酌定學額一切章程

應交禮部酌覈辦理具奏

會典事例
三百五

又奏准查在京八旗滿洲蒙古童生額進六十名覈計近年應試人數約在五六名內取進一名今各省駐防既准其就近考試入學應令各該學政按照人數計應試童生亦五六名取進一名如佳卷不敷甯

缺無濫如將來人數較多應按人數定額其應行設立廩增數目與出貢年分統俟歲科兩試之後各該學政按照應試人數多寡文風高下咨部再爲分別覈定至童生赴考例應廩生保結但現係初次考試尙未經設有廩生應由本佐領具結保送俟該處設有廩生仍照例令廩生保結將佐領保結之例停止其馬步箭應由本處駐防大臣等考試彙送地方官於府考童生時一併考試錄送學政取進

同上

十三年覆准吉林滿合二號自嘉慶五年科試起至本年歲試共錄取滿合旗童三十六名歲科三屆已

周例應酌覈廩增額數應酌設廩增各二名仍俟食
餼十年後方准出貢同上

吉林府立學之始年遠無考童生額進四名廩增額

各二名五年一貢

會典事例二百九十八

咸豐五年六年兩次

捐輸加廣定額二名同治六年捐輸又加定額二名

並增設廩增額各二名

摺檔

乾隆元年遵奉

恩詔議定奉天遼陽州等學原額七名五名者加二名四名

二名者加一名

學政全書六十五

四十三年八月辛巳廣

盛京奉天各屬科試學額

東華續錄 案學政全書載
取進四五名者增額二名二

三名者增額一名乾隆
四十八年歲試廣額同

六十年二月

加恩增廣各省學額

盛京等處取進六名以上者增額三名四五名者增額

二名二三名者增額一名

會典事例
三百五

嘉慶元年

恩詔各直省入學額數大學加七名中學加五名小學加三

名

同上

四年

恩詔直隸各省童生入學額數大學著增七名中學五名小

學三名舉行一次不著為例

同上

十年

詔加盛京滿合二號及奉天所屬各學學額

同上 謹案額數與乾隆六十

同年

道光元年

恩加直省童生入學額數大學七名中學五名小學三名歲

科舉行一次不著為例

據安徽通志遵義府志錄

咸豐元年

恩詔加廣學額吉林二名冊學五年捐輸案內廣額一名六年

廣額二名 摺檔

同治元年

恩詔加廣學額吉林二名 學冊 六年因迭次捐輸廣八次學額

四名一次學額二名 摺檔

光緒元年

恩詔加廣學額吉林二名 學冊

謹案吉林向歸奉天管轄光緒以前伯都訥長春
二學並附吉林取進故歷次

恩廣之額俱繫於此滿合二號學冊無考

雍正十二年議准永吉州長甯縣皆隸奉天府學但

永吉去府八百餘里長甯更遠應於永吉州添設學
正一員將永吉州從前撥入府學生員撥回州學就
近考課長甯縣生員不過數名毋庸另設教職應歸
永吉州帶管廩增額數應俟人文漸盛之日再議其
永吉長甯兩學童生仍照原撥入府學之額數取進

會典事例二
百九十八

十三年議准奉天府永吉州學額設廩增各一名五
年一貢准於設學之年起算

同上

乾隆二年議准奉天長甯縣裁歸永吉州應將長甯

縣原取進童生二名入於永吉州內共取進四名

同上

十二年議准裁永吉州改爲吉林理事同知其文武
童生卽歸理事同知管轄入學及廩增額數併出貢
年分均照舊例

同上

伊通州光緒七年始立學額童生取進二名十八年

設廩增額各二名五年一貢

冊報

敦化縣光緒七年始立學額童生取進二名廩增額

未設

冊報

長春府道光六年設學額三名附吉林廳考試同治

七年因捐輸五次案內加廣定額三名十一年分設

專學額如故廩增額各二名光緒十二年添設廩增

各二名五年一貢冊報

咸豐五年捐輸廣額二名同治七年捐輸自戊辰歲

起廣十四次學額每次三名一次學額一名摺檔

農安縣光緒十五年建治設學定額二名廩增額未

設冊報

伯都訥廳雍正四年設學後裁學額二名併入永吉

州取進道光六年設學額二名二十二年加額三名

仍附吉林廳考試同治十一年分設專學額如故廩

增額各二名光緒十四年添設廩增各一名五年一

貢冊報

咸豐五年捐輸廣額三名六年廣額四名同治七年

捐輸廣學額三次每次一名摺摺

賓州廳

五常廳

雙城廳光緒七年建治設學額進二名廩增額未設

三廳同冊報

貢額

拔貢生凡十二年一舉舊於吉林伯都訥長春三廳

合拔一名光緒九年署將軍玉克學政朱以增奏請

增設各額尋議准滿合號各拔一名吉林府一名長

春府伯都訥廳合拔一名

冊報

玉亮朱以增奏言吉林爲我

朝發祥重地風俗純良士氣敦樸自吉林伯都訥長春
三處分設學額以來同治九年創建考棚歲科按試
已逾數屆近復整頓官學加增膏火考課書院按月
舉行是以滿蒙合號子弟及民籍俊秀之士均能涵
濡教化鼓舞奮興日趨於盛同治十一年前將軍宗
室臣奕榕奉天學政臣張澐卿會奏仿照奉天昌圖
岫巖各廳拔貢定額成案請設伯都訥長春兩廳各
拔貢一額滿蒙各拔貢一額合號拔貢一額嗣經禮

部議覆吉林選拔試已逾期下次選拔尙在十二年以後應俟將屆選拔時由該將軍學政考察情形如果人文日盛再行奏請辦理等因在案現距前次陳請時又歷十餘年之久臣以增本年按試吉林檢閱滿蒙合號文生共三百餘名吉林府學共百名伯都訥長春二廳亦一百餘名且童生應試人數日多不獨舊有三學或二百餘名或三四百名卽新設之賓州五常雙城伊通敦化各廳州縣均係初次童試人數已數十百名不等校閱文藝尙斐然可觀臣等查看情形實係學校如林人文日盛並據各學教官轉

據滿合及民籍紳士呈請分設拔貢各額前來自應
遵照前次部議仍請將吉林原定拔貢一額專歸吉
林府學此外滿蒙各設拔貢一額以期仰副

聖主儲材興學之至意如蒙

恩允飭部迅速覈覆卽於下屆乙酉科考選拔貢之年爲
始云云部議准滿合號各拔一名吉林府學一名伯
都訥長春二廳學合拔一名

又希元朱以增奏請仍准添設吉林滿蒙及伯都訥
長春兩廳民籍各拔貢專額摺曰竊臣希元伏查奉
天學額滿蒙亦係合併例定拔貢專額二名近年滿

蒙應試諸生較之從前所增不止十倍上年部議止
准滿字號添設拔貢一名滿蒙併取似與奉天未歸
一律且視合字號准設專額者亦覺向隅伯都訥長
春兩廳學額既由合而分卽非新建之學可比雖每
學廩增附生不及百名較之奉天昌圖岫巖立學未
久准添拔額之時在學各生名數有加無減近年應
歲試者亦無僅止十餘名之事上年部議只准合拔
一名僅照四川等省初分之學合取未照奉天新建
之學分設兩學生員似均向隅查奉吉兩省由合而
分故吉林事宜均比照奉天辦理兩省同爲

國家根本重地似難與各直省偏隅小縣並衡惟拔萃
爲

朝廷掄才鉅典若非人才蕃盛自應杜其冒濫之階今

旣士類奮興亟宜廣其登庸之路當經咨商到臣以

增於按臨科試時事畢會同卷查光緒九年十二月

禮部咨開議覆前署將軍臣玉亮會同臣以增奏請

分設吉林滿蒙合及伯都訥長春兩廳拔貢專額一

摺該省原定學額滿蒙同歸滿號取進所有蒙古選

拔一項應毋庸另添伯都訥長春兩廳同治十一年

各設專學兩廳文生合計雖百餘人光緒六年應歲

試者伯都訥三十四人長春僅十三人查四川新繁彭縣等分建縣治成案准兩廳合設拔貢一名等因具奏奉

旨依議欽此分行臣等遵照在案臣以增查學政全書內

載康熙三十六年題准選拔貢生滿蒙二名漢軍一名從前奉天學冊雖無可查而由歷次增添學額現有三百二十餘名計當時滿生在學諒不過百餘名又案查同治十年禮部咨行議奏一摺內開奉天各廳州縣凡設州縣地方均設拔貢定額一名檢查送部學冊開原復州各屬生員僅二十餘名鐵嶺金州

各屬生員僅十餘名今昌圖廳於同治七年設立學額岫巖廳於九年設立學額雖考試伊始人數未必眾多惟歸籍新進各生其人數諒與各廳州不甚懸殊所有二廳請照奉天各州縣例准設拔貢各一名等語又查吉林滿字號滿蒙在學文生一百二十餘名應歲試者五十四名伯都訥學文生五十餘名應歲試者二十一名長春學文生九十餘名應歲試者五十五名是吉林滿號請設滿蒙拔貢專額二名伯都訥長春二廳請設專額各一名實與奉天成例相符而各學應歲試人數較之從前奉天等屬准設拔

貢額時亦皆有贏無絀現既人文日盛自應廣其登
進鼓舞多士向上之機合無籲懇

天恩俯准援照奉天成案添設滿蒙拔貢專額二名伯都
訥長春拔貢專額各一名仍請以來年乙酉科爲始
云云疏入仍照前議行

優貢生凡三年一舉吉林無專額奉天吉林黑龍江
滿合號及各學通行考選共三名

府丞
冊

武學

滿合二號每五六名取進一名同治初年西安將軍
多隆阿奏加滿字號定額三名七年捐輸案內加合

字號定額二名吉林長春伯都訥舊其額四名咸豐
五年九年兩次捐輸加定額四名同治十三年分設
專學吉林三名長春三名伯都訥二名光緒七年改
撥吉林府四名長春伯都訥各二名伊通敦化額各
一名賓州五常雙城農安額各二名三年一考各處
冊報
同治七年五次捐輸滿合號各廣二次每次一名吉
林廣額一百零四名分二十六次取進每次四名長
春伯都訥各廣額二十四名每次取進一名摺
檔

繙譯生員

光緒九年將軍銘安玉亮奏准添設十五年將軍長

順副都統卓凌阿始舉行考試照例五六取一因通

順者少取進三名十六年取進四名十八年取進五

名三年兩考

戶司
文移

銘安玉亮奏言吉林省城原設左右翼滿官學二所

揀委教習專課十旗子弟清文迨咸豐初年征調頻

仍存營官兵無幾清文國語漸至生疏同治八年間

經前任將軍富明阿飭令教習常川在學督課十餘

年來成效未覩

臣

等到任後留心體察當於光緒七

年三月間飭由分巡道顧肇熙署吉林府知府李金

鏞掌戶司關防協領文全等會議章程增添膏火嚴

查功課復飭協領文全隨時查考去後茲據稟稱兩
翼滿官學自整頓後凡就學肄業各旗子弟雖功課
加密止能誦讀書寫欲求文理優長通曉繙譯之生
徒實難其選若僅嚴定功課而不予以上進之階恐
無以作其精神而動其鼓舞懇請設法調劑等情稟
覆前來臣等查吉林繙譯廢弛係屬實在情形自應
量加調劑以育人材恭閱上年九月邸抄

盛京將軍崇綺欽奉

上諭翰林院侍講學士尙賢奏奉天繙譯廢弛請仿照京
旗及川廣駐防成式等因欽此該省將軍業經遵辦在

案竊維奉吉兩省皆爲我

朝發祥根本之區

國語清文廢弛情形事同一律合無仰懇

天恩俯准將吉林所屬各城滿蒙漢旗童士子援照奉天現辦成案准應繙譯考試由臣等通飭各城一體遵辦轉飭各該管官等查有願應繙譯童試者必須勤督功課縝密無閒庶期儲有真材以備錄取俟至光緒十二年歲考之期先由臣等查看能否開考取進時奏明辦理並請

飭下禮部將各省繙譯童試條例暨學習繙譯各項書籍

頒發到吉以便遵辦

吉林通志卷四十八

學校志五


選舉

孝廉方正

國朝特科有三曰博學鴻儒曰經學曰孝廉方正鴻博科再開經學一開當時皆號得人而吉林無聞焉孝廉方正之科自雍正元年奉

特詔舉行至今凡開六七次吉林得一人焉特志於甲科之前以昭崇實之義云

侯鎮藩吉林人光緒元年舉有傳



進士

金

圖克坦鎰上京路蘇蘇保子明安人大定九年女直

進士封廣平郡王

尼瑪哈鑑

原作尼龐古鑑

隆州人大定十三年女直進士參

知政事諡文肅

富察思忠隆安路海蘭烏珠明安人大定二十五年

進士翰林學士

烏雅恩徹亨

原作兀顏訛出虎

隆安府明安人大定二十八

年進士汾陽軍節度使

穆延盡忠上京路明安人大定二十八年進士平章

政事封申國公

瓜爾佳錫爾格

原作夾谷石里哥

上京路明安人明昌五年

進士定海軍節度使

完顏阿里巴斯

原作阿里不孫

海蘭路明安人明昌五年進

士參知政事

赫舍哩呼實默

原作紇石列胡石門

上京路明安人明昌五年

進士御史大夫

持嘉烏新

原作赤盞尉忻

上京人明昌五年策論進士尙書

右丞

納塔謀嘉上京路音德爾明安人承安五年賜同進士出身翰林院侍講學士

完顏仲德海蘭路人泰和三年進士尙書右丞

富察羅索

原作蒲察婁室

東北路按春噶爾虎明安人泰和

三年進士孟州防禦使

王今黃龍府人狀元劉仲淵榜及第左司郎中

以上三人

俱見北盟會編

二百四十五

按吉林自遼以前未入職方選舉之事無聞焉金時勦業於此其取士之目有七凡上京呼爾哈率賓海蘭皆置女直府學府試策論進士兼及女直

經童凡四處後增爲七處而會甯府咸平府居其

二見金史選舉志則其得與科目者蓋亦實繁有徒時代

悠遠紀載闕如大都湮沒矣今掇其見金史者著

於篇

國朝

麻勒吉滿洲正黃旗人順治八年繙譯舉人九年壬

辰科繙譯會元狀元授修撰仕至總督

馬維馭吉林人乾隆五十二年丁未科進士江蘇淮

安府知府

梁協南伯都訥人道光十六年丙甲

恩科進士

河南睢州知州

于凌辰伯都訥人道光二十四年甲辰科進士通政使司通政使

裕豐漢軍正黃旗人道光二十五年乙巳 恩科

進士戶部河南司廣東司主事

宋炳文吉林人道光二十五年乙巳 恩科進士

直隸冀州知州

于學乾伯都訥人今隸五常咸豐三年癸丑科

欽賜進士翰林院檢討

于蔭霖伯都訥人咸豐九年己未科進士臺灣布政

使

楊誠一吉林人同治七年戊辰科進士直隸永年縣

知縣

于蘅霖原名蒧齡伯都訥人同治十三年甲戌科進士直

隸東鹿涑水縣知縣原任萬全縣知縣

魏晉楨吉林人今隸伊通同治十三年甲戌科進士

工部員外郎總理衙門章京

于觀霖原名瑞霖伯都訥人光緒三年丁丑科進土工部

主事

于鍾霖伯都訥人光緒三年丁丑科進士翰林院編

修 記名御史

王熙鑿伯都訥人光緒六年庚辰科進士刑部主事

魯景曾長春人光緒十六年庚寅 恩科

欽賜進士翰林院檢討

齊耀珊伊通人光緒十六年庚寅 恩科進士內

閣中書

貽穀原名滿洲鑲黃旗人光緒十八年壬辰科進士

翰林院編修

齊紳甲伊通人光緒十八年壬辰科進士卽用知縣

齊忠甲伊通人光緒二十年甲午科進士

附
王珏長春人

欽賜進士科分未詳

舉人

國朝

剛林滿洲正藍旗人後改撥正黃旗天聰八年以漢
文考試中式舉人 國史院大學士

李錦

人乾隆九年甲子科舉人

馬惟馭乾隆四十五年庚子科舉人見進士

劉銓

人乾隆五十三年戊申科舉人

馬惟馭

人乾隆六十年乙卯科舉人

梁協南道光十二年壬辰科舉人見進士

于凌辰道光十四年甲午科舉人見進士

慶福滿洲鑲黃旗人道光十七年丁酉科舉人國子
監博士

裕豐道光二十年庚子科舉人見進士

魁福漢軍正黃旗人道光二十三年癸卯科舉人唐
縣教諭

宋炳文道光二十三年癸卯科舉人見進士

于凌雲伯都訥人道光二十六年丙午科舉人

于學乾咸豐二年壬子科

欽賜舉人時年九十二

于蔭霖咸豐八年戊午科舉人見進士

穆清滿洲鑲黃旗人咸豐九年己未

恩科舉人

東魁滿洲鑲藍旗人咸豐十一年辛酉科舉人

春林滿洲鑲紅旗人同治元年壬戌

恩科舉人

楊誠一同治三年甲子科舉人見進士

于觀霖同治三年甲子科舉人見進士

錫純滿洲鑲黃旗人同治六年丁卯科舉人吏部文

選司員外郎

于炳莖伯都訥人今隸五常學乾子同治六年丁卯

科舉人

奎綬漢軍正白旗人同治十二年癸酉科舉人

明魁滿洲阿勒楚喀正黃旗人同治十二年癸酉科舉人

魏晉楨同治十二年癸酉科舉人見進士

張椿齡吉林人同治十二年癸酉科舉人

于衡霖同治十二年癸酉科舉人見進士

于鍾霖同治十二年癸酉科舉人見進士

貽穀光緒元年乙亥 恩科舉人見進士

王耀德伯都訥人光緒二年丙子科舉人

王熙鑿光緒五年己卯科舉人見進士

徐景曦伯都訥人光緒五年己卯科舉人

檀格原名富隆阿 包衣佐領下人光緒八年壬午科舉人

工部筆帖式

王文珊伯都訥人光緒八年壬午科舉人

王廷槐伯都訥人今居五常光緒十一年乙酉科舉人

魯景曾光緒十四年戊子科

欽賜舉人見進士

蔭昌滿洲鑲黃旗人光緒十四年戊子科舉人刑部

筆帖式

澂瀛原名崇禮 滿洲正藍旗人光緒十四年戊子科舉人

凌喜滿洲鑲紅旗人光緒十五年己丑 恩科舉人

人

張光鼐吉林人光緒十五年己丑 恩科舉人

齊耀珊光緒十五年己丑 恩科舉人見進士

郭星五漢軍赫爾蘇邊門人光緒十七年辛卯科舉

人

齊紳甲光緒十七年辛卯科舉人見進士

齊忠甲伊通人光緒十七年辛卯科舉人見進士

鍾岳滿洲鑲黃旗人光緒十九年癸巳 恩科舉

人

楊浩生吉林人光緒十九年癸巳

恩科舉人

齊耀琳伊通人光緒十九年癸巳

恩科舉人

朱瀚章吉林人光緒十九年癸巳

恩科舉人


雲祥漢軍鑲藍旗人光緒十九年癸巳

恩科舉

人

附王正

欽賜舉人科分未詳



五貢

高修德

楊玉章

楊照以上三人俱 恩貢見 盛京通志 年分籍貫俱無考

馬兆熊拔貢見 盛京通志 科分籍貫俱無考

陳其器永吉州拔貢見 盛京通志 科分無考

張傑 人天津縣訓導

李洪學 人青縣訓導

王廷璘

鄭楫 人晉州訓導

王兆麒

人望都縣訓導

王警

以上六人俱歲貢見盛
京志年分籍貫俱無考

李麟

人乾隆三十年乙酉科拔貢

楊清久

人乾隆三十四年歲貢

甯廷璧

人乾隆三十九年 恩貢

劉偉

人乾隆三十九年歲貢

王傑

人乾隆四十二年丁酉科拔貢

王懷温

人乾隆四十四年歲貢

王光裕

人乾隆四十九年 恩貢

陳志星

一作
智真

人乾隆四十九年歲貢

宋桂芳

人乾隆五十四年

恩貢

甯天祿

人乾隆五十四年己酉科拔貢

張恭

人乾隆五十四年歲貢

宣麟

人乾隆五十九年

恩貢

齊尙懿

人乾隆五十九年歲貢

武青選

人嘉慶四年

恩貢臨汾縣知

縣

楊實

人嘉慶四年歲貢

馬維驥

人嘉慶六年辛酉科優貢

劉幅生

人嘉慶九年

恩貢

顧懷良

人嘉慶九年歲貢

沈志樸漢軍

旗人嘉慶九年甲子科優貢

趙經元

人嘉慶十四年 恩貢

韓謙

人嘉慶十四年歲貢

沈承瑞漢軍

旗人嘉慶十五年庚午科優貢

陳志英

人嘉慶十八年癸酉科拔貢

張文蔚

人嘉慶十九年歲貢

七車布滿洲

旗人嘉慶二十三年歲貢

吳黃金

人嘉慶二十四年 恩貢

勾功

人嘉慶二十四年歲貢

田烈功漢軍

旗人道光三年歲貢

武金義

人道光四年

恩貢

馬光第

人道光四年歲貢

王錫伯都訥人道光五年乙酉科拔貢

按以上明經姓名據吉林外紀錄乾隆五十九年

以前 盛京志所載同籍貫均畧考永吉州在雍

正十三年設立廩增各貢長甯縣

即伯都訥

學旋設旋

廢所取進童生二名附於永吉州學內諸人籍貫

雖無可考蓋吉林為多伯都訥亦間有之滿合號

自嘉慶十三年後方有貢額今考所錄要非闕佚

云

高鵬搏

人歲貢

馬天驥

人歲貢

以上二人據吉林府學冊錄年分並失考

夏人和

人

恩貢

陳魚門

人

恩貢

劉配禮

人歲貢

陳開第

人歲貢

以上四人俱伊通報冊錄本屬吉林學今隸伊通年

分並失考

李傑伊通人道光十四年甲午科副榜

恭先滿洲正黃旗人道光十五年歲貢

夏雲和本吉林學今隸伊通道光十七年丁酉科拔
貢歷任廣東昌化信宜遂溪感恩等縣知縣

閻交魁漢軍伊巴丹站人道光二十六年歲貢

巴音佈滿洲鑲紅旗人道光二十八年歲貢

高石峯長春人道光二十九年 恩貢

夏以敬本吉林學今隸伊通道光二十九年己酉科
拔貢宗室漢學教習

吳中興吉林人道光二十九年歲貢

王維清長春人咸豐四年 恩貢

王清芬伯都訥人咸豐四年 恩貢

葛清懷吉林人咸豐四年 恩貢

李元慶長春人咸豐四年歲貢

何久徵漢軍伊通邊門人咸豐六年歲貢

富欽保滿洲鑲白旗人咸豐九年歲貢

齊澤鈞吉林學今隸伊通咸豐九年 恩貢

李宴卿吉林人咸豐九年歲貢直隸衡水縣知縣

于觀霖咸豐十一年辛酉科拔貢見進士

別瑛長春人咸豐十一年辛酉科優貢

趙永裔漢軍鑲紅旗人同治元年壬戌 恩科副

榜

侯翰宗吉林人同治三年

恩貢

楊維城吉林學今隸伊通同治三年

恩貢

程鵬南長春人同治三年歲貢

王耀德同治三年甲子科優貢見舉人

張鵬南漢軍巴彥鄂佛羅邊門人同治五年歲貢

錫恩滿洲鑲黃旗人同治八年歲貢

郭蔭青吉林人同治八年

恩貢

趙錦堂長春人同治八年歲貢

于鍾霖同治十二年癸酉科拔貢見進士

晉昌滿洲鑲黃旗人同治十三年

恩貢

德凌蒙古正藍旗人同治十三年歲貢

魁榮漢軍正紅旗人同治十三年 恩貢

王汝霖漢軍鑲藍旗人同治十三年歲貢

鄭鐸吉林人同治十三年 恩貢

張殿蘭吉林學今隸伊通同治十三年歲貢

王守鈞伯都訥人光緒元年乙亥 恩科副榜

高培田長春人光緒元年乙亥 恩科副榜

于翰翹伯都訥人觀霖子光緒二年歲貢

富隆阿滿洲鑲白旗人光緒五年 恩貢

凌喜光緒五年 恩貢見舉人

德恒蒙古正藍旗人光緒五年歲貢

孫永年漢軍烏拉站人光緒五年 恩貢

杜鴻運漢軍雙城堡鑲黃旗人光緒五年 恩貢

王福臻漢軍阿勒坦額墨勒站人光緒五年歲貢

楊維垣吉林學今隸伊通光緒五年 恩貢

齊紳甲光緒五年 恩貢見進士

趙韞輝吉林人光緒五年歲貢現官景州訓導

馬景棧長春人光緒五年 恩貢

夏景梅長春人光緒五年歲貢

徐景奎伯都訥人光緒九年 恩貢

于湛霖伯都訥人光緒九年 恩貢

于琪霖伯都訥人光緒九年歲貢

王玉琦長春人光緒九年 恩貢

張自書長春人光緒九年 恩貢

何曉川長春人光緒九年歲貢

和祿滿州正紅旗人光緒十年 恩貢

忠祥滿洲正藍旗人光緒十年歲貢

何棧樸漢軍伊通邊門人光緒十年 恩貢

孫桂一漢軍阿勒坦額墨勒站人光緒十年歲貢

吳鎮雍吉林學今隸伊通光緒十年 恩貢

賈魁昌吉林人光緒十年歲貢

蔭昌光緒十一年乙酉科拔貢見舉人

多祿漢軍正黃旗人光緒十一年乙酉科拔貢

牟康年吉林人光緒十一年乙酉科拔貢

何清永伯都訥人光緒十一年乙酉科拔貢

譚奉璋伯都訥人光緒十一年乙酉科優貢

董雲青長春人光緒十四年歲貢

邢鑒堂伯都訥人光緒十四年歲貢

景廉滿洲鑲黃旗人光緒十四年戊子科副榜

志雲漢軍正白旗人光緒十四年戊子科副榜

齊耀琳伊通人光緒十四年戊子科副榜

峻昌滿洲鑲黃旗人光緒十五年 恩貢

富凌阿滿洲鑲黃旗人光緒十五年歲貢

德祿漢軍正藍旗人光緒十五年 恩貢

鍾祺漢軍正黃旗人光緒十五年歲貢

李雲衢吉林人光緒十五年 恩貢

趙成裕吉林人光緒十五年歲貢

于霖中長春人光緒十九年 恩貢

張心田長春人光緒十九年 恩貢

附 徐景曦 恩貢年分未詳見舉人

武科

金

瓜爾佳實倫隆安人以武舉登第金安軍節度使

國朝

錢蔚甯古塔人乾隆十五年庚午科武舉

柳溥甯古塔人乾隆十七年壬申 恩科武舉

陳起鵬甯古塔人乾隆十七年壬申 恩科武舉

郭衛城吉林學今隸伊通同治六年丁卯科武舉

常林滿洲鑲黃旗人光緒五年己卯科武舉

恩科滿洲正白旗人光緒八年壬午科武舉

乾清門三等侍衛

劉元德吉林人光緒八年壬午科武舉

王虎臣長春人光緒八年壬午科武舉

柳占河伯都訥人光緒十一年乙酉科武舉

王殿甲雙城人光緒十四年戊子科武舉

吉林通志卷四十九

學校志六

書院

吉林府崇文書院在朝陽門內試院迤東同治十三年紳士捐建肄業有舍講論有堂門廳庖廚規制略備東西院爲多忠勇伊壯愍二公祠光緒十三年修葺並增建從屋十二楹十七年因後院設志書局添建客廳三楹十八年重修大門並門房五楹膏獎經費將軍奕榕學政王家璧張澐卿先後捐廉六百兩光緒七年將軍銘安由考棚息銀項下提撥銀五千兩發商生息爲書院專款十二年十三年續撥銀六

千四百兩十八年積存利銀及修考棚餘銀二千五百兩俱發商按月息一分貢生晉昌捐密什哈安子溝學田一百五十三晌五畝十八年在近城置地十五晌每晌租錢三緡都司銜季鳳捐額和穆地十餘晌每年得租錢三十五緡

報銷冊

十九年分巡道訥欽

重修有記

記曰傳曰學之不講是吾憂也聖人且憂之學聖人者其可晏然以居不思所自令習於玩愒而成德達材一切無所聞於世耶書院之設唐始備顧問宋多談道學惟胡氏經義治事分齋體用並講洎近世但

課文藝矣雖然技且進於道文學四科之一由是而
言語以澤政事以通德行以企孰非聖人之徒哉同
治十一年都人士醵建書院其歲費則當道諸公相
與經營之於是肄業有所廩給有資官月一課將軍
分巡道知府以次主焉齋課嘗一延師旋謝去權以
教官越光緒十七年訥欽承乏分巡道例獎外益思
所以爲諸生勸未遑也又二年乃集都人士修葺院
宇禮聘師儒增廣課額卽舊章稍稍變通之繼自今
吉林文學其遂振興乎今夫風會有時開而人才不
以地限也自昔已然蜀於漢介西南夷文翁化之司

馬相如楊雄王裒之倫相望而起周以蠻方視吳言
游氏與列聖門最號爲知禮然則豪傑非可限以地
吉林又

龍興所肇

國家文明之治垂三百年生是邦者其可晏然以居不
思所自令習於玩愒而成德達材一切無所聞於世
耶所望諸生優游於文藝本之經參之史入盡倫常
出率名教而以器識先之聖學之講不惟是而亦不
必皆出於是也

伊通州啟文書院在州署南半里光緒十一年知州

貞啟章營建月課經費共捐銀五千四百五十兩三

千兩已發商生息餘銀尙未交齊

冊報

長春府養正書院光緒十年署通判李金鏞捐建在
城北迤東大門五楹次爲考棚又次五楹爲講堂額
曰敬業東西各六楹爲生童肄業所又次五楹中奉
朱子栗主東居山長西爲藏書室十一年續建四齋
於後凡十一楹爲生童學舍定額住院肄業生員十
二名童生二十三名存放本城各當舖燒鍋城錢二
萬八千緡息月一分存放四鄉各燒鍋屯錢二萬六
千緡息月八釐每年共收息錢五千八百五十六緡

爲書院經費李金鏞有記

徵信錄

伯都訥廳種榆書院在孤榆樹屯學宮之北同治十

一年紳士捐建

冊報

希元奏言竊據吉林分巡道顧肇熙稟據紳士于岱霖等呈稱自省城崇文書院建立以來經費無出未能開課經故紳衣雲捐毛荒一段錫恩捐毛荒一段錫恩之子晉昌承父遺志復捐毛荒一段均在府屬境內陸續升科共計官租地一百八十九晌該處山深土冷招墾維艱一年所入止敷官租而書院仍毫無沾溉又據于岱霖等呈稱前將文昌閣奎星樓等

工餘款並借款呈領新設五常廳屬毛荒一百五十
方籌捐開墾爲吉林伯都訥長春三屬書院義學學
田繼因招墾維艱諸費日積借款本利無著大租且
致久懸於同治七年經前將軍富明阿奏經戶部議
准按年照熟升科行令遵照在案當覈捐工餘款京
錢一千八百千照數截留荒地一段其餘原領荒價
變價歸借又經候選知縣于若霖承叔父于凌雲遺
志捐資三千四百千截留荒地一段陸續升科共計
官租地二百五十三晌三畝一分每晌佃租一石五
斗僅敷完納正供無以津貼書院紳等厯世經營積

數十年之久費數萬千之多轉恐積累日深書院永
無沾惠之望可否仰求奏懇准將此項地畝一律免
其租賦爲各書院公產再此項地畝在五常界內距
伯都訥較近距吉長二屬甚遠原係三屬公款籌辦
擬由伯都訥紳戶將現費招墾等錢一萬千有奇作
爲一萬千捐籌其三分之二分歸吉長二屬各得一
分另行設法生息接濟各書院經費其地則全數永
爲伯都訥書院義學公產紳等籍貫分隸三屬屢經
會商意見相同呈由該道稟請覈奪飭檢舊案所呈
尙屬相符伏念吉疆地處極邊春遲秋早耕穫之利

本微加河渠不通轉運匪易穀價因之甚賤凡自業
耕鑿者謀飽極易輸課甚難而任佃之家田產雖多
實穫彌寡旗民俊秀子弟頗知茹苦讀書困於身家
亦每舍本而逐末揆之闔境大抵如斯紳等所稱捐
置書院田產只敷納課絕少餘貲累世經營沾惠無
望確皆實在情形在

國家租賦正額所關原不容輕議蠲豁在

聖朝作育人才之意似當邀

逾格栽培矧蠲豁於民間者無多而推廣於

文化者甚大臣權其輕重不敢壅於

上聞合無仰懇

天恩飭下部議准將吉林所屬租額地一百八十九晌作
爲吉林崇文書院膏火地畝五常廳屬租額地二百
五十三晌三畝一分作爲伯都訥種榆書院及義學
膏火地畝永遠豁其租額庶令多士學業有資並請
將伯都訥紳戶捐還吉林長春兩屬原捐之資仍歸
兩屬書院另謀生息作爲永遠經費各情准其立案
俾我

朝根本之區武備精而文教並盛士風振而民俗益馴

出自

聖主鴻慈除俟奉准部覆再行飭覈租額地冊逐款開除

造報戶部摺檔

賓州廳菁化書院在學宮西光緒十八年署同知吳

瞻菁改建先是署理廳事黎尹融釀資構屋兩進配

以東西廡外為大門擬剏修學宮工未竣瞻菁至別

度地建學因改葺為書院圖說

雙城廳書院房屋共八楹光緒十八年捐建冊報

官學 義學

吉林左翼官學屋八楹右翼官學屋六楹盛京通志作兩翼

房各十間在

文廟西南半里許康熙三十二年官兵捐建乾隆七年

修葺助教官二員每翼教習四名由領催披甲內選

用八旗每佐領學生額四名習清文騎射吉林外紀三十

一年重修嘉慶十一年災重修工司册光緒七年將軍

銘安奏准添委滿文教習各三員奏疏

吉林蒙古官學屋三楹在

文廟西南半里許乾隆六年蒙古八旗兵營建五十八

年重修教習係蒙古繙譯筆帖式兼充生徒無定額

習蒙古文騎射吉林外紀

白山書院屋五楹在濩局街嘉慶十九年將軍富俊

購民居爲之吏部尙書鐵保謫戍吉林榜以今名並

跋嗣富俊以其地近市喧雜改修賓館卽舍後建學

舍五楹額如故

吉林外紀

光緒七年將軍銘安奏准先後

添委教習三員漢教習一員教十旗子弟漢文

文移

鐵保白山書院跋曰此邦人士重武備而略文事將

軍富俊副都統松箴首創書院延前歸德守熊酉山

之書前經歷朱慎崖字泰前福建令朱玉堂履中主

講席彬彬絃誦文教日興余喜其剏始之難而樂觀

其成也於是乎書

吉林繙譯官學在城內試院西光緒九年將軍銘安

奏請設立十七年將軍長順勅建屋七楹教習二員
由京奏調三年期滿每旗學生三名十旗共額三十
名提撥賓州雙城二廳燒商戶納酒稅一款隨同票
課解交省庫爲永遠經費

劄稿

吉林府義學一所在城內東南隅知州杜薰捐俸建

盛京舊志

光緒九年將軍銘安吉林道顧肇熙在東關

建置學舍設立五齋西關北關二齋俱賃民房奏撥

伊通河南圍荒納租地九千三百五十九畝

據檔

冊原作八千餘畝

以其直及租銀每年大租銀共一千六百

八十四兩七錢八分二釐

據檔冊

爲常年經費十一年

十三年將軍希元令紳士姚福升凌雲在河南街適中處所購地陸續興修學舍凡蒙學二十二齋每齋學生十二名經學二齋每齋學生十名旗民兼收屋五十有一楹磚圍牆五十五丈九尺堂額曰爲時養器將軍希元書並跋

義學章程

跋曰義學爲前任銘鼎臣將軍奏設培植孤寒子弟旗民兼收誠

國家根本至計也當時學止九齋依城散處予至雞林之明年觀察使顧君緝廷舉姚子福升凌子雲董其事並以拓廣學舍爲請乃營城之中鳩工庀材兩載

告竣合前學計共二十有二齋取田租廩額爲費延
師購書次第就理今予奉

命量移入閩行且有日樂此學之成而又念陶獎童蒙之
無非爲

國養器也因題其額並進二子諭之曰大道不器尙矣
雖然吾願以成器期也昔人謂樸中有器非匠不崇
彼諸童未雕未琢大才成大善小才成小善是在養
之何如耳若夫期之淺而報乃深此卍角者竟成異
日公輔焉非徒無負設學之初心抑又余之過望也

已

伊通州義學在書院西北隅屋三楹知州貞啟章捐
建光緒十一年吉林道豐伸泰頒發中錢四千緡存

商月息一分冊報

長春府義學在同善堂內因經費不敷暫歸書院兼

辦同善堂章程

賓州廳義學光緒十一年署同知毓斌在城內設立
分爲二齋曰窮理曰居敬冊報

雙城廳義學未建光緒九年撥廳屬閒空地地基收取

租息作生徒經費冊報

甯古塔左右翼官學在城內東南隅屋六楹冊報作五間

雍正六年捐建乾隆五十七年奏請官銀修葺每學

教習筆帖式一員八旗每佐領學生額六名吉林外紀工司

冊同

甯古塔漢義學在城內東南隅文昌廟北屋三楹建

年未詳光緒八年增建五楹分爲三齋教習三名冊報

伯都訥左右翼官學在城南門內

文廟迤西屋五楹東西廂各三楹雍正四年八旗兵營

建委教習二員每旗學生額六名冊報乾隆四十六年

四十八年重修工司冊同治九年添設滿教習一員由

無品級筆帖式內揀用三年期滿冊報

三姓左右翼官學在城內東南隅奎星樓北就

文廟內建東西廂各三楹雍正五年

盛京通志吉林外紀俱作十二年

捐建給事中王錦奏准設立無品級滿學官一員十年

增設無品級滿學官一員

冊報

八旗每佐領學生額四

名

吉林外紀

乾隆十七年二十六年俱重修

工司冊

同治八

年將軍富明阿奏准增設總教習一員由無品級筆

帖式內送省揀用又添委滿教習二員光緒元年副

都統長麟添設漢教習四員由三姓附生內挑充捐

資改修東西廂各五楹東齋讀滿文西齋讀漢文

冊報

阿勒楚喀官學在舊城中衙署西屋五楹舊只三楹

雍正五年八旗兵營建教習筆帖式一員八旗每佐

領學生額三名吉林外紀乾隆五十五年嘉慶元年俱重

修工司冊同治十四年重建冊報

拉林官學在拉林堡內東北隅乾隆二十一年建八

旗教習一員每佐領名下額送學生三名肄業京盛通

志房五楹大門一楹三十三年五十三年道光咸豐

年間俱重修光緒十八年協領保成報請由公倉糶

穀項下撥款重修摺檔

瑯春官學屋三楹雍正五年八旗兵營建工司冊

瑯春昌明書院光緒十七年副都統恩澤建屋五楹

東西廂各五楹以教八旗子弟滿洲處西漢軍處東

冊報

案原冊云中五楹奉

至聖先師孔子木主傍列四配十二哲春秋祭奠

烏拉官學在城中過街牌樓東雍正七年建前三楹

為漢學後三楹為滿學由旗內揀選人員教八旗子

弟讀書騎射冊報每歲額送學生四名嘉慶二年修葺

吉林外紀同治九年將軍富明阿奏設滿教習一員冊報

烏拉漢義學在城內乾隆三十年總管所柱捐建吉林

外紀六

額穆赫索羅官學屋三楹八旗兵營建教習筆帖式

未設生徒無定額

同上

試院

府廳考棚附

吉林試院在學宮東偏同治七年紳士于淩雲慶福等以赴奉天考試路途窳遠呈請將軍富明阿副都統毓福具奏在吉林捐建考棚部議駁斥九年再奏報可三廳旗民共捐銀三萬五千兩以一萬五千兩

購地興修

檔案

大堂五楹龍門一座東西文場四百餘

號外爲大門爲照壁門之東有巡捕房承差房門廳廚廩咸備堂後爲客廳五楹顏曰景韓堂又後五楹

曰有妙香室學使張緒楷題

圖說

又銀二萬兩由戶司

發商生息得銀七千二百兩學憲歲科按臨以五千

兩動用外餘酌留歲修大修光緒十七年重修

檔案

富明阿毓福奏言同治七年春閒據吉林紳士呈請
捐資建立考棚當經據情陳奏並恭錄道光十三年

諭旨旋據部

臣

奏稱係爲統顧時勢起見自屬實在情形唯

聖諭煌煌理宜遵守未敢率准更張等因奉

旨依議欽此

臣

等恭讀之下不勝悚惶何敢再爲瀆請第今

吉林開闢日廣人民日繁一切情形迥非昔比數年

來雖將馬賊剿洗肅清然恐根株未淨蠢動堪虞欲

化梗頑莫如柔以文德若使學政按臨宣揚

聖教甄拔善良必有以鼓其向善之誠而戢其不馴之氣正

在籌策全局謹擬覆奏復據紳士慶福等呈稱吉林
旗民文武各童向赴奉天寄棚考試唯讀書應考者
寒素居多限於途遠資艱每多中廢黑龍江距奉尤
稱窳遠雖經設額迄今仍無赴考之人懇求再奏俯
准吉林捐建考棚學政按臨不獨嘉惠士林藉可整
齊風化臣詳查該紳士所請各情均關維持世道潛
消亂萌之意况捐立公署考棚及一切經費銀至三
萬五千兩之多吉林素稱寒苦臣等一允陳請不敷

日間皆能竭歷以圖輸將恐後人心之鼓舞可知及
經部議駁斥闔省士氣頓爲消沮夫爲治之道貴乘
其機祇此學臣按臨一事如所請則欣然交勉不如
所請則嗒然若失其機如此此實臣等目睹之情形
也部臣以

聖諭煌煌理宜遵守飭臣等至庸極陋亦知恪遵

聖諭何敢妄議更張所以陳請變通者誠以我

朝重熙累洽

列聖相承吉林士子涵濡

德化又歷

三朝士氣文風迥非昔比歷年所加學額爲數益繁較道光年間幾增十倍若仍附考奉天遠隔千里資斧不易是予以額數之寬而限以道途之遠非所以

皇仁而作士氣況黑龍江去奉更遠學額雖設應試無人若吉林設立考棚吉林士子赴試固易卽黑龍江人士亦得就近附考必不致學額久懸此今昔情形不同所宜亟籌通變者也至八旗以騎射爲本卽有應試文章亦必先看其馬步箭合式方准送考况學政接臨文武並試武童應試省城時八旗子弟亦可藉以觀摩尤於騎射大有裨益且_臣等自到任以來卽親

督助教等官教以清文兼演騎射是以旗童習藝日見加益而各外城已於上年奏請添設滿教習將見通省八旗子弟不忘根本而清語騎射蒸蒸日上卽梗化愚民亦可相觀而善矣是吉林建立考棚在昔日恐以長浮華今日正以厚風俗在昔日恐有妨本務今日適以繫人心此時此勢欽惟我

宣宗成皇帝在天之靈當亦默爲

降鑒也是以會同奉天學

臣 合詞籲懇

恩准捐建考棚學政接臨考試暨黑龍江旗民士子亦請准

以就近附考至學政接臨時所有士子卽照直隸州

徑行錄送學政之例由吉林同知錄送並歲科連考
各事宜自應查照成例辦理所需經費係紳士公捐
應請免其報銷

摺
檔

張濤卿吉林試院記吉林與奉天黑龍江稱東三省
國初吉林烏拉屬甯古塔昂邦章京統轄康熙間改昂
邦章京爲鎮守將軍移駐烏拉之船廠城雍正四年
於其地置州曰永吉隸奉天府乾隆十二年裁永吉
州改爲吉林廳地東南陬故有州學隨改爲吉林學
道光七年增設伯都訥長春學額並隸吉林學官諸
生歲科試附瀋陽如故

今上御極之九年都人士以請建試院額鎮帥上聞奉

詔報可迺釀資庀材度地學宮之左堂皇東西宇內廡賓館

吏舍庖廚以次畢具經始是年正月越今年八月落

成澧卿奉職按臨其地校閱弟子員百數十人應童

子試者千數百人駸駸乎向盛矣粵稽

太祖高皇帝以武功崛起遼左奄有葉赫輝發烏拉甯古塔
諸地

太宗底定全遼修舉前代廟學設科取士而文教聿興

世祖撫臨方夏初於永平僑置遼學繼立遼陽府學蓋廣招

徠以振儒風二百年來建學設官有加無已關左人

文幾欲比隆

畿甸恤品合蘭之地皆欣欣焉慕稽古之榮而篳門寒
峻西望

陪京或以道阻且長爲慮

天子嘉惠士林鴻慈逾格俾得從容就試無山川跋涉之勞
爾多士宜如何報稱歟其在詩曰肆成人有德小子
有造古之人無斃譽髦斯士又曰肅肅兔置椽之丁
丁赳赳武夫公侯干城多士生長岐豐承

列聖作人之化當必有譽髦干城爲

國家致用者矣夫役之勑始不可無紀而宣

上德以達下情亦使臣之職也於是乎書

長春府考棚在養正書院內光緒十年署通判李金
鏞營建前爲龍門東西號舍十八間後卽書院講堂

徵信
錄

伯都訥廳考棚在孤榆樹屯種榆書院內光緒元年
將軍奕榕副都統奕艾奏言訥屬輿地遼闊城垣偏
在一隅所有民戶皆附近孤榆樹屯居住屯中設有
書院每歲廳官卽在此徵收錢糧由榆赴城往返千
餘里童試不免跋涉之苦查學政全書衛學事例內
載有童生考試准用收糧公所等語與訥屬情形相

符懇請卽在書院內添設考棚以歸簡易嗣經紳士

捐建號舍十間

奏疏